

Fwenging Bouxcuengh

□ Dangz Yuzngingh cingjleix



▲ Vangz Lantzfnh、Dangz Yenjmingz guhdoh raiz 《Lingzyinz Swcwnz Fwenging Bouxcuengh》.



▲ 《Lingzyinz Swcwnz Fwenging Bouxcuengh》 geiq fwenging ndaej ndei caez dangqmaz.



▲ Vunzlai doxlwnz eu fwenging.



▲ Bouxswncienz fwenging Dangz Yenjmingz son vunzlai eu fwenging.



▲ Bouxswncienz mizmingz Bungz Bazyingh eu fwenging.



▲ Eu fwenging aeu lingz raek din guhsing.

Fwenging Bouxcuengh dwg cungj fwenyaz youz gyoengq canghyaz mehmbwk Bouxcuengh youq guhyaz seizhaenx ciengq, hix heuhguh lwnz-yaz, Vahcuengh heuhguh "fwenging", daihbouhfaenh youq Lingzyinz Yen Swcwnz Cin cienlah. Fwenging Bouxcuengh dwg cungj yinhyoz gag miz ndeu, daj vwnzva guhyaz menhmenh bienq gvaqdaeu, dwg seizneix ndaw guek raeuz cungj yinhyoz gag miz bau ndaej cei q caez.

Fwenging Bouxcuengh youq Ciuzsungcauz hainduj miz, seiz haenx dwg boux vunzdog ndeu gag ciengq lai. Daj neix dauqlaeng, fwenyaz ndaej mboujduenh caeuq doengh-yiengh wng doxgyaux hwngfat, baihdaw yied daeu yied lai, sing ciengq youh lai ndeidingq, doeksat bienqbaenz caetib ngeih yienghsing lo, caemhcai aeu doenghgi mingz-coh caetib ngeih gizgingidenj Lingzyinz daeu an caetib ngeih yienghsing fwenyaz; doenghgi gizgingidenj neix dwg caetib ngeih "yaz" (duz sienbaed) youq dangdieg mizmingz dangqmaz. Eu fwenging seizhaenx gingciengz aeu fagbeiz, daehhom, aenlingz, cawluengz, din(singcaemq) daengj daeu boiq sing.

Ciuhgeq gij fwenging Bouxcuengh yienghsing noix, ngaih ciengq,

aeu Vahcuengh lwnh saeh, aeu daeu dauqngex bouxgvaqsei, gouz mbwn hawj vunzraez mbouj cai mbouj nanh, ndangmaengh sim'onj; gyoengq canghyaz eu fwenging haenx rox haujlai vahdoj bingzseiz vunz mbouj rox gangj haenx, aeu neix daeu caeuq duzmuengz(sienbaed) gangj, mizdi geizheih.

Ginggvaq hwngfat bienqvaq haujlai nanz, fwenging Bouxcuengh seizneix gaenq baenz cungj fwen biengz Bouxcuengh baenzneix: Baihdaw miz lai cungj lai yiengh, miz vahcoenz hawj bouxliz lwnh simnaiq, gangj siengjmuengh, haenq vet vunz dungxyak guh saehmbit, haenx cingz guhyoux doxgyaez, lwnh saehbiengz seizneix daengj; doenghgi yienghsing miz angqyangz cienz cingz, menh ciengq hoih lwnh, hix miz simnae seiliengz, yinx vunz doek raemxda. Eu fwenging seiz langhnaez bienq yienghsing couh boiq doenghyiengh mbouj doengz, aeu neix daeu yienh, ok yiengh caeuq yiengh mbouj doxdoengz.

Lingzyinz fwenging Bouxcuengh miz doenghgi gyaq yinhyoz gig dijbauj. Vihliux hen ndei bau ndei fwenging Bouxcuengh, aen yienh neix Vangz Lantzfnh、Dangz Yenjmingz (gaxgonq dwg bouxcizgungh vwnzva' gvanj ndaw yienh) haenqrengz guh ngeihci lai bi, cam ndaw yienh sojmiz canghyaz Bouxcuengh caez bae, soucomz ndaej gojgaeq, goj riuzgangj, doz saw, doxgaiq daengj haujlai doenghyiengh gvendaengz fwenging, caemhcai baengh gijneix bae cingjleix, baenz coij baenz coij

gonqlaeng raiz miz Sawndip、Sawcuengh、gozci yinhbyauh caeuq ei qsei Sawgun daengj sei coij, youq 2009 nienz 3 nyied bien yaenq okbanj bonj saw ndeu heuhguh 《Lingzyinz Swcwnz Fwenging Bouxcuengh》. Bonj neix gungh miz 3 cieng 16 cez 84 fanh lai cih, gangj le fwenging Bouxcuengh ndaej caezcaez cienz-cienz bae. Bonj neix hen ndei doenghgi yienghsing caeuq dungxndaw bonjmiz gvendaengz fwenging Bouxcuengh, neix hawj doenghgi fwenging bakriuz geij cien bi nanz neix ndaej geiq baenz cih saw, neix couh hawj ndawbiengz miz bonj saw guhyiengh hawj vunz yenzgiu vwnzva Bouxcuengh gig dijbauj ndeu.

2014 nienz 11 nyied 11 hauh, Lingzyinz fwenging Bouxcuengh ndaej Gozvuyen baecin, liedhaeu daihsei buek guekgya gaep feihvuciz vwnzva yizcanj mingzloeg.

Daj neix liuxle, aen yienh neix gaemdawz aen gihvei neix, gyarengz henhoh caeuq ciuqgoq doenghboux swncienz fwenging daeu; caz Lingzyinz fwenging Bouxcuengh caez bae, comz ndei caeuq cingjleix swliu caezcing bae; aeu gvangibo, densi lai fuengmienh senhconz fwenging; comz vunzlai Bouxcuengh caeuq yisuzgyah aeu fwenging daeu bien baenz go moq; haenqrengz vixyinx bouxcoz swncienz hagsib fwenging. Yiengh-neix guh couh ndaej coi ndawbiengz vunzlai haenqrengz henhoh, swncienz caeuq haifat fwenging.



▲ Bouxswncienz fwenging Dangz Yenjmingz eu fwenging.



▲ Gyoengq canghyaz eu fwenging.



▲ Bouxswncienz Bungz Bazyingh caeuq geij boux lwgsae eu fwenging.